

## **Luhya - Roho Lihe Akahandikwa - SW Intro Scriptures**

**Yohana 6:63 (Yesu) Omwoyo nikwo okurelanga obulamu.**

**AbaEfeso 6:12 Okhuba amabwi keefwe shikali akokhulwana nemibili namabanga ta, habula khulwananga noburuchi, nende obunyali, nende abaruchi beshialo shino eshilimwo eshiilma**

**Yakobo4:7 Mumuhulilenje Nyasaye; ne mumufukule Setani, naye alamwilukha.**

**Mariko 16:15-18 Mulira lia Yesu omurulemwo amadimoni. - Khuli nende amani amakhongo mulira lia Yesu okhushila Setani nende amadimoni kosi. Olanje khu lira lia Kristo khulwa obulakhule nende obuhonia. Obununuli.**

**Mariko 1:26,27 Roho weshifwabwi oyo namubahasia, nayiiba nomwoyo omukhongo, namurulamwo. Bosi nabaliibwa ling'ang'a, nibareebana abeene nabeene, bari Lino nelikuwa shi? kata buno nobwechesii shiina obuya? okhuba alaka kata abaroho beshifwabwi nobunyali, nabo nibamuhulila!**

**Luka 9:1 Mana yalanga abo Ekhumi-nababili halala, nabaheelesia amaani nende obunyali khumadimoni kosi, khandi nende okhuhonia obulwale.**

**Luka 10:17-20 Luka 10:18,19 Naye nabasunjila ari Ndamuluutsi Setani nakwile shinga oluhenu, okhurula mwikulu. 19 Lole, ndamuheele obunyali okhuseena khunzokha nende khumakatia, nende khubunyali bwosi bwomusuku oyo, kata shibulaho eshilamusaalisiakhwo ta.**

**1 Timotseo 6:12a Olasanenje lihe lilayi liobusuubili. (Roho)**

**Genesis 2:7 OMWAMI Nyasaye nalonga omundu olufu Iweliloba, nafuuramwo mumooluke emiuyachie chiobulamu;omundu naba omwoyo okuli nobulamu.**

**Okhurula 20:5 Orabiinamilanga kata okhubikhalabanila ta; okhuba isie OMWAMI Nyasayewo endi Nyasaye weimbalikha, ningalusinja akobumayaanu bwabakuuka babwe khubaana, okhuula khulwibulo Iwakhataru nende olwakhane Iwabangiya.**

**Okhurula 22:18 Orafuchiilila omufila abe mwoyo ta.**

**1 Samweli 15:23 Okhuba inumba yiingana obwonooni bwobufumu, khandi obwichinjimisi bwingana obumayaanu nende emiterafi. Okhuba waloba likhuwa liOMWAMI, naye yesi yakhuloba iwe, oleshe okhuba omuruchi.**

**Okhukalushila Mumalako 18:9-12 Olwa olaba niwinjiile mushialo eshia OMWAMI Nyasayewo akhuheelesia, oreekakhwo okhukhola ebisinyo biamahangha ako ta. Aleshe okhunyooleshela mwinywe omundu yesi oubisia omwanawe omusiani kata omukhaana mumulilo, omundu yesi oukhupa olubu, kata omulakulusi, kata omulookooli, kata omufila, kata omulosi, kata owamayengo, kata owebitsoyelo, kata omufumu oureebangaa abafwa amakuwa, ta. Okhuba omundu yesi oukholanga amakuwa ako nowokusinyo khuMWAMI.**

**Okhukalushila Mumalako 31:18a Nasi okhubisa ndalabisa tsimoni tsianje khunyanga eyo khulwa obubii bwosi obwa bababa nibakholile.**

**Yoswa 24:15 ... Lobole leelo luno aba mwenya okhukhalabanila ...**

**1 Samweli 15:23a Okhuba inumba yiingana obwonooni bwobufumu, khandi obwichinjimisi bwingana obumayaanu nende emiterafi. Okhuba waloba likhuwa liOMWAMI, naye yesi yakhuloba iwe, oleshe okhuba omuruchi.**

**1 Samweli 17:45-47 Daudi & Goliath**

**Ayuba 34:22 Bubulaho obumali, kata eshiilima ti ewa abakholi bobumayaanu beebisa ta.**

**Ayuba 33:27,28 Yeembanga imbeli wabandu, ari Isie ndayoonoona, nishiamia akali amalunji, ne shindakalusilibwa eshindu ta. Yanunula omwoyo kwanje kuleshe okhwikha muBuko; obulamu bwanje nabwo bulalola obulafu.**

**Ayuba 34:22 Bubulaho obumali, kata eshiilima ti ewa abakholi bobumayaanu beebisa ta.**

**Tsitsabuli 34:18 OMWAMI abeetsanga ahambi khubeenabo aba emiyo chiabwe chitubuushe, nabahonia aba tsiroho tsiabwe tsiinyushile.**

**Tsitsabuli 91:11 Shichila alalachilisia abamalaikabe khukoko, okhukhulinda munjilatsio tsiosi.**

**Tsinjelo 15:3 Tsimoni tsiOMWAMI tsibeetsangaho buli habundu hosi, ntsihenganga amabii nende amalayi.**

**Isaya 8:19 Nolwa balamusunjila mbu Mureebelesie khubafumu, nende khubebitsoyelo, abeebootsanga nibahwehwela; mbula, abandu shibakhoyle okhureebelesia khuNyasye wabwe?**

**Isaya 41:10 Oraria tawe, okhuba endi ninawe halala; orafwa omwoyo ta, okhuba isie nisie Nyasayewo; ekhuheelesia amaani; toto mwene, ekhukhoonya; toto, ekhuleeta nomukhono kwanje musaatsa okuhulanga.**

**Isaya 57:15 Okhuba kano niko aka Omwenoyo ouli hekulu nachinguukha, oumenyanga mubumeli, owa eliiralie niye Omutakatifu, asunga; mbu Isie emenyanga habundu aheechingu, hatakatifu.**

**Yeremia 14:14 Mana OMWAMI niyasunjila mbu Abanabii tsana barumbulilanga obubeeyi muliira lianje; isie shindabaruma ta, kata okhubalaka kata okhusungana ninabo ta. Bamurumbulila libisulo liobubeeyi, nobufumu obukhaya, nobukaatii obwomumioyo chiabwe.**

**Yeremia 27:9 Nebutswa inywe, murahulilanga abanabii beenywe tawe, kata abafumu beenywe, kata abamalooro beenywe, kata abebitsoyelo beenywe, kata abalookooli beenywe.**

**Hosea 4:12 Abandu banje basaba obuchesiyii hashisaala shiabwe; indabushi yabwe yibakalusia amakalusio; okhuba roho yobuheyi yibashiamiye, nibalekha Nyasye wabwe okhulonda khubuheyi.**

**Joeli 2:12 OMWAMI aboola mbu Ne kata bulaano mungalushile nemioyo chieenywe chiosi, nokhuhonga inzala, nokhulila, nokhwikuula.**

**Mika 3:7 Tsisoni tsilahamba abanabii. Nabo abafumu nibakoyaasibwa; ... okhuba libulaho likalusia elirula khuNyasye.**

**Mika 5:12 Ndalaakamia akobufila kosi akali mumukhonokwo, kata**

**shiolabakhwo nabafumu khandi ta.**

**Zekaria 3:1,2 Yesu yakondeshela roho (amadimoni) weshifwabwi.**

**Zekaria 10:2 Okhuba emiterafi chiboola akabutswa, nabo abalakusi balolanga akobubeeyi; abaloori baboolanga amalooro akobukaatii, nibaboola amakuwa kobulemia amakhaya.**

**Matsayo 4:10 Mana Yesu namusunjila mbu Hwaho, Setani; shichila liahandiikwa mbu Omwinamilenje Omwami Nyasayewo, nomukhalabanila ye yenyene. (Luka 4:8)**

**Matsayo 11:28-30 Mwitse khwisie, inywe mwesi abachoonyanga nimusitohelwa, nasi ndalamuhuluusia. 29 Mwinjile mwikokolo lianje, nimweka khwisie; shichila endi omuholo omwongoli mumwoyo; kho mulanyoola obuhuluushi obwomumioyo chieenywe.**

**Matsayo 12:45 Mana atsia yeenda abaroho bandi musaafu abamushila obubii; beenjila bamenyamwo; mana obu- maliilishi bwomundu oyo buba obubii okhushila shinga olwa yabeelenje.**

**Matsayo 24:24 Shichila balibuukha abaKristo bobubeeyi, nabanabii bobubeeyi, nibalolosia ebilolelo ebikali nende akamakana, khulwa okhukosia kata abalbole, nikaba nikanyalikha.**

**Matseo 26:53,54 Kata okaala mbu shinyala okhusaaya Papa, naye kata bulaano buno alarumila abamalaika abashila amahe ekhumi nakabili? Nebutswa amahandiiko kakhoosibwa karie, mbu nolwa kakhoyle okhwikhola?**

**Matsayo 28:18 Ne Yesu niyeetsa ewa bali, nababooleta mbu Ndaheebwa obunyali bwosi mwikulu khandi khushialo.**

**Mariko 5:8,9, & 13b Okhuba yali namusunjiile mbu Iwe roho weshifwabwi, rula mumundu oyo. Mana namureeba ari Eliirario niwe wina? Naye namukalusia mbu Eliira lianje nisie Legioni, shichila khuli abanji. Abaroho beshifwabwi nabo nibarula nibeenjila mumbiitsi, lituuli liosi lietsimbiitsi shinga ebikhumila bibili niliminina nilikholomokha niliikhupa munyanza, nitsifwilamwo.**

**Mariko 9:23 Yesu namusunjila mbu Noba nonyala, ta! Kosi kanyalikhanga khwoyo ousuubila.**

**Mariko 9:25b-27, & 29b Yesu ... yakondeshela roho oyo weshifwabwi, namusunjila mbu Iwe roho wobusilu nokhwikala amarwi, ekhulaka mbu omurulemwo, noramwinjilamwo khandi tawe. Naye naiiba, namubahasia muno, narula, omwana naba shiomufu, okhuula olwa abanji baboola mbu Afwile. Nebutswa Yesu yamutiila omukhono, namubuusia; naye nasinjila. Ari Imbia yino shiyinyala okhurusibwa nelikhuwa liosi ta habula okhusaaya.**

**Mariko 11:23 Emusunjila toto, mbu Omundu yesi oulasunjila eshikulu shino mbu Wichenje, wisukune munyanza; narakanakania mumwoyokwe ta, nebutswa nasuubila mbu aka asunga keetsa okhwikhola; alakholelwa ario.**

**Luka 9:42 Ne olwa yali nashiitsanga, lidimoni nilimukhupa hasi, nilimubahasia**

**muno. Ne Yesu yakondeshela roho weshifwabwi, nahonia omwana, namukalusilia samwana.**

**Luka 17:5 - Mariko 11:22b Nabasunjila ari Musuubilile Nyasaye.**

**Luke 24:27 Mana nachaachila khuMusa nende khubanabii bosi, nabarimbululila muahandiiko kosi amakuwa akachooma khuye omwene. Yohana 1:51 Namubolela, Siahene, siahene, nkhubolelanga, Mulilo likulu nilikukha, nabamalaika ba Nyasaye nibaninanga khandi nibekhangha khu Mwana-womundu.**

**Yohana 4:24 Nyasaye abetsanga Omwoyo: nabo abamwekayakaya kahel'le okhumwekayakaya mumwoyo nende tot:**

**Yohana 5:27 namuhelesia omunwa okhukhalaka esina, sikila nomwana womundu.**

**Yohana 6:70 Jesu nabakalusia, Sindali khumwela inyuwe abelikhumi na babili, ne mulala khu inyuwe nes'sieno?**

**Yohana 8:7-11 Nebutswa nyinga batika okhumureba, yatikulukh a nabablela, Uyo orali ne tsimbi khu inyuwe, arrange okhumulasa ne likina. 8 Kho niyenama hansi khandi, nahandika hansi nesitare. 9 Nabo, nyinga bahulila, baswekha simulala simulala, omukhulundu naranga nokhwola khumumal'likhi: ne Jesu yasikala yenyene, nomukhasi, ha yali hakari. 10 Jesu natikulukha, namubolela, Omukhasi, bali hena? Abula ho mulala okhukhalagiye esina noho? 11 Namukalisia, Omwami. Siali ho kata mulala. Jesu nam'bole'la, Nase sinkhukhalakila esina: tsia ouwe; okhurula luno orakhola oubi khandi tawe.**

**Yohana 8:31,32 Kho Jesu nbolela Abayahudi abasubiye khuye, Inyuwe muba nimumanya mumakuwa kanje, mwakhabe abeki banje ba toto; 32 nenyuwe mwakhamanya aka toto, naka toto kakhakila nimuba abalakhule.**

**Yohana 8:44 Inyuwe muli aba papa wenyuwe, Setani, nokwekomba khwe senyuwe tuyanzanga okhukhola. Yabetsanga omwiri-wabandu okhurula oleokhuranga, siasinjila muka toto, sikila aka toto sikila muye. Nyinga abolanga abubehi, abola khububwe sikila mbolanga amakuwe sikila nomubehi, khandi niye samwana obubehi.**

**Yohana 10:10 Omwibi yetsa, yebe, yere, akhuye: ise ndetsa batole obulamu, babe n'nabwo obwingi.**

**Yohana 12:43 sikila bali nibayanza obukhongo khubandu okhuyomba obukhangi khu Nyasaye.**

**Yohana 14:12-14 Siahene, siahene, mmubolelanga, Osubilanga khu ise, emilimo etsia nholanga ise, naye khandi alitsikhola; ne alikhola, emilimo, emikhongo okhuyomba yiki, sikila nzia wa Papa. 13 Nelia mwakhaba nimusaba mulira lianje, ndilikhola, mbu Papa afumibwe khu Mwana. 14 Muba musaba ling'ana mulira lianje, ndakhalikhola**

**Yohana 14:27,30 Emilembe mmulekhele; emilembe tsianje mmuheresia: sikila ol'la esibala sihana, mbananga khu inyuwe. Murahenda omwoyo, nohomba**

**muraria. 30 Sindi namakuwa amangi khandi aka mmubolela, sikila omukhongoowesibala isi yetsanga: ne siali nesindu my ise;**

**Yohana 15:3 Ne inyuwe, musiyikhilr khulwamakuwa aka ndali khumubolela.**

**Yohana 15:16 Simuli ninyuwe abali khunzela ise, nebutswa nise owali khumwela inyuwe bimenye: kho liosi elia musaba Papa mulira lianje alimuhe.**

**Yohana 15:26,27 Nebutswa nyanga Omuhoteresia alitsa, owa ndiruma okhurula wa Papa, niye olingobokhela: 27 ne inyuwe khandi mungobokhelinga, sikila mwabetsanga n'nase halala okhurula olwokhuramga.**

**Yohana 16:13 Nebutswa nyanga uyo, Omwoyo wa toto, alitsa, alimwibalila aka toto kosi: okhuba sialibola khububwe; nebutswa akalihulila, niko akalobla: namakuwa akalitsa yakhamuribulile.**

**Yohana 16:23-26 Mwitukhu ilio simulinsaba esindu kata silala. Siahene, siahene mmubolelanga, Nimusaba esindu khu Papa, yakhasimuhe khulwelira lianje. 24 Musili okhusaba amakuwa mulira lianje: saba, nemwakhaebwa, obusangali bwenyuwe bwitsule. 25 Amakuwa yaka mmuboleye mu tsingano: inyinga yitsanga eya sindibola n'nenyuwe mu tsingano, nebutswa amakuwa kosi ka Papa ndakhamublela bulahi. 26 Mwitukhu ilio inyuwe mwakhasabe mulira lianje: ne simubo'la mbu, Ndakhamusayile Papa;**

**Ebikhole 16:18b Paulo ... nashiukhana nasunjila roho oyo ari Ekhulaka muliira liaYesu Kristo, omurulemwo. Naye namurulamwo khushise shieneshio.**

**Ebikhole19:19 Kata abanjikhwo khubo abakholanga akobufumu bakhung'aasia ebitabu biabwe nibabisamba abandu bosibosibwe nibabasia obukusi bwabio, nibanyoola nibuhela tsifeetsa ebikhumila amakhumi karaano.**

**AbaRoma 6:16 Shimumanyile mbu olwa muba nimwihaanile abeene khumundu okhuba abasumbabe abamuhulila, muli abasumba bomwenoyo owa muhulilanga; kata abasumba bobwonooni obuleera okhufwa, kata bobuhulili obuleera obulunjishi?**

**AbaRoma 8:2 Shichila lilako liaRoho wobulamu obuli muKristo Yesu liayamboholoole okhurula mwilako liobwonooni nende eliokhufwa.**

**AbaRoma 10:17 Okhusuabilila - Akahandikwa**

**AbaRoma 12:2 Ne murakwisibwa khukhufwana khweshialo shino ta; ne mbu mukalukhasibwe khulwa emiyo emiyia echia muheebwa, mbu mukateeme nimukamanyila elala aka Nyasaye yeenya, niko akali amalayi, akachamisinjia, akali amalamba habwene.**

**1 AbaKorinzo 10:13 Mushili okhuteemwa nende likhuwa liosi ta, habula aka omundu anyala. Nyasaye nomwisiikwa, ne shialafuchiilila mbu muteemwe okhushila aka mulanyaala tawe; habula halala nende okhuteemwa khwene, alamukasilia injila eyokhwihonokoshelakhwo, mbu mana munyale okhwifwila.**

**1 AbaKorinzo 15:55,57 Iwe okhufwa, okhuhulakhwo khuli heena? Iwe okhufwa, olubalalwo luli heena? Ne khumuupile Nyasaye orio,**

**oukhunyalilanga okhuhula khulwa Omwami weefwe Yesu Kristo.**

**2 AbaKorinzo 7:1 Nilwo olwa Omwami Ounyala-biosi aboola. Kho abaheelwa banje, olwa khwasuubisibwa amakhuwa aka, khwisiye abeene mushifwabwi shiosi shiomubili nende eshiaroho, nikhuusilia elala obutakatifu mukhuria Nyasaye.**

**2 AbaKorinzo 11:13,14 Okhuba abeimbia eyo nabarume abakaatii; nabakholi ababatsa, abeefwaninja shinga abarume baKristo. Ne aka shikakhuhuchisia ta; mbula, kata Setani yeefwaninja shinga malaika wobulafu.**

**AbaGalatia 1:7 Ne shineyindi ta; habula mbu baliho abamunyasinjia nibeenya okhushiamia injili yaKristo.**

**AbaEfeso 6:11-18 Mwifwale ebimanulwa biosi biaNyasaye, mbu munyale okhuyinga obubatsa bwaSetani. Okhuba amabwi keefwe shikali akokhulwana nemibili namabanga ta, habula khulwananga noburuchi, nende obunyali, nende abaruchi beshialo shino eshilimwo eshiilma, ... nimwiboyile mubishienje bieenyewe obwatieeli, nimwifwalile khubilifu eshitsengwa shiobulunjishi, nimwifwalile mubilenje bieenyewe obwirecheshi khulwa injili yomulembe. Ne halala nende aka kosi mubukule ingabo yobusuubili, eya munyala okhusimilia orubano rwosi rwomubii, orwakha omulilo. Bukule nende ikuutwa yobuhonia, nende olukanga IwaRoho, nilwo likhuwa liaNyasaye; halala nende okhusaba khwosi nokhusaaya; sabenje buli Iwosi muRoho, nimuba meeso.**

**AbaFilipi 2:9,10 Ne niko akachila Nyasaye namwemekha hekulu, namuhelesia eliira elo elili ikulu khumeera kosi; mbu muliira liaYesu buli lisikamo lisikame.**

**AbaFilipi 4:13,19 Enyala amakhuwa kosi mu oyo oungufuhasinjia. Nebutswa mwakhola obulayi olwa mwasanjilana ninasi mubusandibwi bwanje. 19 Ne Nyasaye wanje alamuyinilinja buli eshia mutamba shiosi, obuyindabwe bwoluyali shinga olwa buli muKristo Yesu.**

**1 Abatsesalonika 5:17,18 Murakonelanga okhusaaya ta. Mumakhuwa kosi, mukhupenje orio, shichila nilio elia Nyasaye amwenyela muKristo Yesu.**

**1 Timotseo 2:1-4 Sayiranga AbaRuchi**

**Abaheburania 1:14 Abo bosi shibali abaroho abakhalabani, abarumwa okhukhalabananga khulwabo abaleenjisibwa mubuhonia?**

**Abaheburania 2:14,15 Kho shinga abaana olwa basanjilana khumabanga neinyama yomubili, ye yesi yasanjilana ario khubiatsana; mbu mana munjila yokhufwa atibie oyo owali nali nende obunyali bwokhufwa, niye Setani; khandi mbu ababoholole abo bosi abalinji mumbohe tsindaalo tsiabwe tsiosi khulwa okhuria okhufwa.**

**Abaheburania 13:6 Khulwako khunyala okhuuma ikholo, nikhusunga mbu Omwami niye omuhabini wanje, shindalariitsanga ta; nishiina eshia omundu namundu alanyala okhu'kholela?**

**Yakobo4:7 Mumuhulilenje Nyasaye; ne mumufukule Setani, naye alamwilukha.**

- 1 Petero 3:22 Naye Yesu Kristo oyo ali khumukhono musaatsa kwaNyasaye, ewa yatsia mwikulu; abamalaika nabobunyali nabamaani bosi nibeesibwa hasiwe okhumuhulilanga.**
- 1 Petero 5:8b, 9a Shichila omusuku weenywe, Setani, achendanga shinga italanyi eyihoola, nakhaaba owa alia. Ne mumufukule, nimuraliile murio mubusuubili.**
- 2 Petero 2:4b Nyasaye shiyalekha abamalaika ta olwa boonoona, nebutswa yabafuuba muTarataro, nababiikha mubuko bweshiilima ti, okhulindiilila eshiina.**
- 1 Yohana 1:9 Ne nikhuba nikhiyama ebionoono bieefwe, ye nomwisiikwa khandi omulunjishi okhukhuleshela ebionoono bieefwe, nokhukhusiyya khububii bwosi.**
- 1 Yohana 2:23 Oyo owambakhana Omwana, shialikhwo nende Samwana ta; ne oumwiyama Omwana, kho ali nende Samwana yesi.**
- 1 Yohana 3:8 Oukholanga akobwonooni nowaSetani; okhuba Setani yooononanga okhurula khukhuchaaka. Ne niko akachila Omwana waNyasaye yabakalwa ebulafu, mbu amalilane emilimo chiaSetani.**
- 1 Yohana 2:1b Ne omundu yesi naba niyoonoona, khuli nende Omuhabini ewaSeefwe, niye Yesu Kristo omulunjishi.**
- 1 Yohana 4:4b Shichila ouli mwinywe ashila oyo ouli mushialo.**
- Obufwimbili 1:18 Noubeetsangaho mwoyo; ndali omufu, ne lola, endi mwoyo ebisoni nebisoni, nendi nende ebibohololo bioluumbi nende biemakombe.**
- Obufwimbili 12:7-10 Nakwo okuyokha okukhongo okwo nikuhangulusibwa hasi; inzokha eyo yakhale, oyo oulangwa mbu Ibilisi, khandi Setani, omukaatii oukaatinjia eshialo shiosi; yahangulusibwa hasi khushialo, abamalaikabe nibasukunwayo halala ninaye. Mana ndahulila omwoyo omukhongo mwikulu, nikuboola mbu Bulaano buno obuhonia bwaNyasaye weefwe buulile, nobunyalibwe nobwamibwe, khandi nende oburuchi bwaKristowe; okhuba omwinjilili wabaana beefwe wasukuunwe hasi, oyo oubenheimilanga imbeli waNyasaye weefwe, eshilo neshiteere. (Luka 22:31)**
- Obufwimbili 16:14,16 Ne nibo abaroho bamadimoni, abakholanga ebilolelo; ne barulanga nibatsia khubaruchi beshialo shiosi, okhubakhung'aasilia lihe lieinduuukho ikhongo yaNyasaye, oyo Ounyala biosi. Kho nibabakhung'-aasilia habundu ahalangwa muluHeburania mbu Hari-Magedoni.**
- Obufwimbili 20:9b,10 Omulilo nakwo nikwikha okhurula mwikulu, nikubalia. Naye Setani, owali nabakaatiye, nasukunwa munyanza eyo yomulilo namalesi keshiberiti, ... ne balasaalisibungwa eshilo neshiteere, ebisoni nebisoni.**